

gebracht werden. Euch hirinne unseumlich beweissen, seindt wyr umb euch gutlich zubeschulden genaygt. Gebenn zu Mersburg dinstags nach vincula Petri anno 20. XXIII.

Denn wirdigenn, achtbarnn unnd hochgelarten unnsernn liebenn andechtigen unnd besondernn ernn rector, magistris unnd doctoribus der hohen schulen zu Leypzk.

342.

5

*Thomas Arnoldt, Bürger zu Leipzig, bekennt, daß er, nachdem er das Hartwig'sche Vorwerk vor dem Grimmaischen Thore gekauft, die auf demselben ruhenden, an die Collegiaten des großen Collegs seiner Zeit verkauften 10 Gulden jährlicher wiederkäuflicher Zinsen eines Capitales von 200 Gulden übernommen habe.*

1524 Dec. 23.

*Hdschr.: Copiale des großen Fürstenkollegs fol. 30.*

10

Ich Thomas Arnoldt burger zcu Leiptzk bekenne offentlich mit diesem briffe vor mich, meyn erben und erbnemen, nochdem ich eyn forwerck sampt eynem garthen mit zweihen mitheußern und eynem hauß im garthen zewischen des alten Ketwigs und meister Thomas des schneiders forwercken vor dem Grimmischen thore auff dem kurzcn graben kegen den nawen collegio übergelegen von Mattes Schlessiger erkaufft, 15 welchs der alte Matt. Schlessiger von Hansen Hartwich kauffeweis an sich bracht und überkommen hat, auff welchem forwergk und heusern obbemelter Hans Hartwich den wirdigen, achtbarn und hochgelerten herrn probst, collegiaten, doctorn und magistrern des grossen collegii dieser loblichen universitet alhie zcu Leiptzk zeehen gulden widerkeufflich umb zweihundert gulden zcu kauffen gegeben, lauts daruber auffgerichtetes 20 briffe und derhalben außgebrachten gunst, welche zeehn gulden widerkeuffliche zcinse von Hansen Hartwichen herflissende auch also nach gescheenem kauffe an mich obbemelten Arnoldt kummen, derhalben gerede und gelobe ich vor mich, meyn erben und erbnemen ierlichen, weylle dießer widerkauff stehet und durch mich oder meyn erben nicht abgelegt wurd, bemelten herrn solche zeehen gulden ane vorzeugk und allen 25 yhren schaden auff zcwu tagkzeit, als nemlich funff auff Walpurgis und funff auff Michaelis zcu entrichten. Ob sich aber, das gott vorhutte, durch eynerley weyß begeben, das ich ader meyne erben an solcher bezcalung seumigk wurden, wodurch bemelte hern moglichen schaden nemen, erliden ader entpfangen, desselbigen solle und wolle ich oder meyn erben yhnen zcusampt den zcinsen auch entrichten, und wen ich ader meyn 30 erben solchen widerkauff zcu thun gesint, sollen ich oder meyne erben denselben inhalts Hans Hartwigs daruber gegeben briff eyn iar langk zcu vorn bemelten herrn abkundigen, alles getreulich und ane alles geferde. Geschehn am freytag nach s. Thomas anno 1524. iar. Und solchs stet und vhest und unvorprüchlichen hab ich zcu merer sicherheit und urkunt meyn gewönlich petschir unden ann diesen briff gedruckt. Geschehn ut supra. 35